




Broj/Број: 01/7-50-1-7-2-37/06
Sarajevo/Сарајево: 5.6.2006.



ZAPISNIK

37. sjednice Administrativne komisije Predstavničkog doma Parlamentarne skupštine Bosne i Hercegovine, održane u zgradi institucija BiH, 5.6.2006. godine, s početkom u 10,15 sati

PRISUTNI ČLANOVI KOMISIJE: Senija Kapetanović, Mubera Ušanović, Hazim Felić, Momčilo Novaković i Ruža Sopta .

ODSUTNI ČLANOVI KOMISIJE: Dušanka Majkić, Vinko Zorić, Jozo Križanović i Mladen Potočnik.

OSTALI PRISUTNI: ispred OSCE-a Amila Ibrahimović, ispred OHR-a Maja Ribar i Nada Subrić, ispred Istraživačkog centra Parlamentarne skupštine Bosne i Hercegovine volonter Ratko Đokić.

Trideset sedmom sjednicom Administrativne komisije Predstavničkog doma Parlamentarne skupštine Bosne i Hercegovine predsjedavala je Senija Kapetanović, predsjedavajuća Administrativne komisije Predstavničkog doma Parlamentarne skupštine Bosne i Hercegovine.

Za sjednicu je predložen sljedeći

DNEVNI RED

1. Usvajanje Zapisnika 36. sjednice Administrativne komisije;
2. Radni dogovor Administrativne komisije kao nadležne za Zakon o pravima i dužnostima članova Parlamentarne skupštine Bosne i Hercegovine;
3. Tekuća pitanja.

Trideset sedmu sjednicu Administrativne komisije Predstavničkog doma Parlamentarne skupštine Bosne i Hercegovine otvorila je predsjedavajuća sjednicom Senija Kapetanović i predložila dnevni red, te pozvala prisutne članove Administrativne komisije da se izjasne o njemu, odnosno da daju primjedbe, prijedloge i sugestije.

S obzirom da nije bilo primjedbi i prijedloga, prisutni su jednoglasno usvojili dnevni red, te pristupili njihovom razmatranju po utvrđenim tačkama.

AD-1 Prisutni su jednoglasno usvojili Zapisnik 36. sjednice Administrativne komisije Predstavničkog doma Parlamentarne skupštine Bosne i Hercegovine.

AD-2 Uvodno izlaganje uz ovu tačku dnevnog reda dala je predsjedavajuća sjednicom Senija Kapetanović.

Momčilo Novaković iznio je rezerve prema predloženom načinu rada Komisije i naglasio da Komisija kao nadležna za Prijedlog zakona o pravima i dužnostima članova Parlamentarne skupštine Bosne i Hercegovine ima na raspolaganju dvije varijante, i to: da u skladu s poslovničkom procedurom otvori javnu raspravu o Prijedlogu zakona kako bi se o njemu javno raspravljalo, ili da se rasprava vodi na uobičajeni način što znači da nema potrebe da se širi krug pozvanih na Komisiju osim onih koji se na sjednice pozivaju u skladu sa Poslovnikom Predstavničkog doma Parlamentarne skupštine Bosne i Hercegovine. Pitao je predstavnike OHR-a o izvaji u medijima u kojoj je rečeno da se radi o povećanju plaća, iako se to pitanje ne uređuje ovim zakonom, naglasivši da bi volio znati šta OHR ima reći u vezi s ispunjavanjem obaveza članova Parlamentarne skupštine Bosne i Hercegovine. Zatražio je da se sjednica Komisij, čije je održavanje predviđeno 12.6.2006. godine pomjeri za jedan dan, tj. da se sjednica iz opravdanih razloga održi 13.6.2006. godine. Istakao je da i on ima primjedbi na ponudena zakonska rješenja s tim da nema dileme u vezi s donošenjem zakona.

Senija Kapetanović objasnila je zašto ne bi trebalo ići u javnu raspravu, ističući da je na Predstavničkom domu Parlamentarne skupštine Bosne i Hercegovine usvojena skraćena procedura za donošenje ovog zakona tako da se nema dovoljno vremena za pripremu javne rasprave, posebno ako se ima u vidu da se bliže i godišnji odmori. Uz to, moglo bi se desiti i da Komisija mora tražiti produženje roka za razmatranje Prijedloga zakona, pa bi se prolongiralo razmatranje Prijedloga zakona na period koji se trenutno ne može predvidjeti. Pojasnila je i razlog sazivanja današnje sjednice sa stanovišta rokova i zakonskih rješenja rekavši da je namjera bila stvoriti uslove za kvalitetno razmatranje Prijedloga zakona na sjednici predviđenoj za 12.6.2006. godine.

Ruža Sopta naglasila je da su se neke stvari jednostavno mogle riješiti tako da je sekretar napisao amandmane i dao ih predsjedavajućoj Komisije. Podržala je diskusije o javnoj raspravi jer smatra da su mediji stvorili pogrešne predstave u vezi s namjerom Prijedloga zakona u kojem je rečeno da poslanik i delegat imaju pravo na plaću, a visina nije utvrđena jer je ona predmet drugog zakona koji Vijeće ministara BiH treba dati u parlamentarnu proceduru. Zato smatra da je OHR nepotrebno kritizirao zakon u javnosti. Podržala je prijedlog da se na narednu sjednicu pozovu predlagači zakona, Vijeće ministara BiH i ministarstva: Ministarstvo finansija i trezora BiH, te Ministarstvo pravde. Pohvalila je materijal koji je pripremio Istraživački centar Parlamentarne skupštine Bosne i Hercegovine i zatražila da on do naredne sjednice pripremi materijal koji bi obuhvatio rješenja prava i obaveza u institucijama Bosne i Hercegovine kao i u entitetima.

Hazim Felić je još jednom u vezi s pripremom za raspravu o Prijedlogu zakona koja će se voditi na narednoj sjednici rekao da se u svemu treba držati odredbi Poslovnika Predstavničkog doma Parlamentarne skupštine Bosne i Hercegovine naglasivši da će, ako nema amandmana, možda sudbina ovog zakona biti izvjesnija i zavisit će od toga kako će se provesti procedura u komisijskoj fazi.

Senija Kapetanović obrazložila je još jednom razloge današnjeg radnog dogovora i pitanja koja su se nametnula u vezi s Prijedlogom zakona istaknuvši da se većinom pitanja, koja su data u Prijedlogu zakona, Administrativna komisija bavila i na osnovu toga stekla i određena iskustva u praksi.

Mubera Ušanović također je rekla da je prava priprema za raspravu dogovor u Komisiji o tome koga je sve potrebno pozvati na sjednicu kada se bude raspravljalo o Prijedlogu zakona, s tim da je naglasila potrebu da se u svemu Komisija pridržava poslovničkih odredbi. U vezi s amndmanima, istakla je

da je to stvar individualnog opredjeljenja poslanika, ali i članova Komisije koji ih mogu ulagati u skladu sa Poslovníkom.

Senija Kapetanović sumirala je raspravu i konstatirala da se većina članova Komisije opredijelila da se na sjednicu pozovu predlađaći i Vijeće ministara BiH, a da se sjednica pomjeri za jedan dan od dana kada ističe rok za razmatranje Prijedloga zakona, tj. sa 12.6. 2006. godine na 13.6.2006. godine, do kada Komisiji treba dostaviti podatke o pravima i dužnostima članova zakonodavnih tijela u entitetima i institucijama Bosne i Hercegovine.

Momčilo Novaković primijetio je da, pored predstavnika Vijeća ministara BiH, na sjednicu treba pozvati nekog iz Ministarstva finansija i trezora BiH, te Ministarstva pravde BiH.

Ovaj prijedlog podržala je i Ruža Sopta rekavši da se ovdje ne radi o ciframa već pravima pa joj se logičnijim čini da se na sjednicu pozove neko iz Ministarstva pravde BiH ili ministarstva koje se bavi socijalnom politikom.

Nakon rasprave, prisutni su jednoglasno

ZAKLJUČILI

1. Naredna sjednica Administrativne komisije Predstavničkog doma Parlamentarne skupštine Bosne i Hercegovine zakazuje se za 13.6.2006. godine s početkom u 12,00 sati.
2. Poziv za sjednicu treba uputiti: predlađaćima zakona, Vijeću ministara BiH, Ministarstvu finansija i trezora BiH i Ministarstvu pravde BiH.
3. Istraživački centar Parlamentarne skupštine Bosne i Hercegovine će do petka, 9.6.2006. godine napraviti materijal, koji će sadržavati zakonska rješenja zakonodavnih organa u entitetima, te rješenja prava i obaveza u institucijama Bosne i Hercegovine. Materijal će biti dostavljen članovima Komisije.

AD-3 O ovoj tački dnevnog reda nije bilo rasprave.

Nakon što je iscrpljen dnevni red, trideset sedma sjednica Administrativne komisije Predstavničkog doma Parlamentarne skupštine Bosne i Hercegovine završena je u 11 sati.

Sekretar
Administrativne komisije
Davorka Čaplinski

Predsjedavajuća
Administrativne komisije
Senija Kapetanović